

Vorrede.

3

von Ihnen zu lernen / wie die selbe im Sommer so fleissig arbeiten vnd eintragen / das sie den Winter zu leben haben. Thuns doch auch die kleinen Bienen / wie auch meist alle Gethir / bis auff die kleinste Maus zu / vnd tragen im Sommer / von den vberflus welcher doch auff dem Felde liegen bliebe vnd verdurbe / auff das sie im kalten Winter wohl das von leben möchten / ihre wohnung voll. Allein wir Menschen seynt so faul vnd vnachtsam / das vnß auch die Thier beschämen vnd sagen könten / Ihr vnvorsichtige faule Menschen / Lernet doch von vnß haushalten / vnd schämbt euch darumb nicht / Ob wir schon so klein seyn. Der Hochmuth aber der gemeinlich vor dem fall kombt / kan nicht wohl zu lassen das ein grosser von einen kleinen lerne. Gleichwohl habe Ich mich vnterstanden / Gott vnd der Hohen Obrigkeit / wie auch den Lieben Vatterlandt zu Ehren / vndt meinem Negsten zu Dienste / Eine gute Erinnerung oder anweisung zu thun / wie das wir bey diesen noch guten zeiten / da allenthalben / durch ganz Teutschland

A 2

VON